

中华全国图书馆

文献缩微中心



山西省图书馆 摄制

1989

[乾隆]汾陽縣志十四卷首一卷

(清)李文起纂修 戴震校訂

清乾隆三十七年刻本

八冊

原件收藏

山西省图书馆

原件书号

3487-94

原件状况

原件有部分字迹模糊



原件个别地方破损

书共摄制 1 卷 卷一至卷十四首一卷

版权所有 不准复印

本部书开始

本片卷含：卷一至卷十四首一卷



汾陽縣志序

邑乘之修將以信今而傳後其所關於官斯居斯者綦重操寸不律登削惟慎詎可苟焉已歲辛卯余備負西曹得交光祿汾陽曹慕堂先生冬守汾命下因就訪風土人情一切公私利

山西通志卷之四十五
地方文獻

癸知政所尤急與治所宜先既
光祿來送別謂曰聞郡邑方修
志志成幸以一編寄示焉余曰
諾止至則郡志已梓成而邑志
亦脫稿李君文起以粵東名進
士來尹斯土游刃恢恢餘閒染
翰又得新安戴孝廉東原佐其

考覈閱數月稿成李君命繕書
錄成帙質於余取視之為卷十
二分目二十有八義例嚴整考
据詳明誠不愧名流手筆夫修
志之難不難于考文徵獻而難
于協輿情故志志實也志地志
其勝也志人志其美也志事志

弊知政所尤急與治所宜先既
光祿來送別謂曰聞郡邑方修
志志成幸以一編寄示焉余曰
諾北至則郡志已梓成而邑志
亦脫稿李君文起以粵東名進
士來尹斯土游刃恢恢餘閒染
翰又得新安戴孝廉東原佐其

考覈閱數月稿成李君命繕書
錄成帙質於余取視之為卷十
二分目二十有八義例嚴整考
据詳明誠不愧名流手筆夫修
志之難不難于考文徵獻而難
于協輿情故志志實也志地志
其勝也志人志其美也志事志

弊知政所尤急與治所宜先既
光祿來送別謂曰聞郡邑方修
志志成幸以一編寄示焉余曰
諾比至則郡志已梓成而邑志
亦脫稿李君文起以粵東名進
士來尹斯土游刃恢恢餘閒染
翰又得新安戴孝廉東原佐其

考覈閱數月稿成李君命繕書
錄成帙質於余取視之為卷十
二分目二十有八義例嚴整考
据詳明誠不愧名流手筆夫修
志之難不難于考文徵獻而難
于協輿情故志志實也志地志
其勝也志人志其美也志事志

其要也他若無關輕重者可仍
則仍之不煩齟齬焉志如是是
亦善矣余因於簿書餘暇就其
本重加釐訂稍稍潤色之既成
遂郵札報光祿而弁數語于簡
端其他既詳志中茲不贅論若
夫蒞此土治此民鑒往績而樹

新猷以仰副

聖天子慎簡守令之至意余且與李
君共勉之區區修志又多乎哉
時乾隆三十七年歲次壬辰季
秋之朔知汾州府事海寧俞調
元書



新脩汾陽縣志序

易曰天地感而萬物化生聖人感人心
而天下和平是知為治莫先教化而教
化之要在有以感激而歆動之雷發東
隅衆蟄潛駭風行地上草木各舒於以
見感動之神且速也邑之有志非徒法
周之職方氏漢之地理記以備掌故以
資考據而已蓋欲使見之者觀感興起

共勵媵脩而隱寓教化之意於其間耳
故詳賦後而胥史不敢施其蔽矣詳風
俗而編氓悉以恒其本矣詳人物而君
子思以善其則矣詳宦蹟而居官將以
慎其政矣與夫忠孝節烈隱逸高賢莫
非發潛德之幽光起斯人之頑懦志之
所係綦重哉汾陽控帶山河形勝偉麗
我

國家樸棧作人以來科第蟬聯人文輩出
益扶輿清泚之所鍾毓而尤賴教化以
扶翼之也邑固舊有志願自前周公創
修距今已五十餘年簡罄帙荒書缺有
間矣天道三十年一變六十年而大周
人事遷流理化更易閱時滋久文物踵
增倘紀述無聞曠墜弗舉何以表既往
而垂將來嶺南 李公志存經濟歲庚

寅來宰是邑以化民成俗為己任比及
三年政通人和百廢具興因念志乘之
設風化攸關不可令典章湮沒文獻罔
昭爰於公餘之暇旁搜博訪取歷來之
懿蹟芳踪條分而類次之凡四閱月而
告竣其叙事簡而明其援據典而雅整
而有體詳而不遺相如所謂列錦繡而
為質合纂組以成文洵記載之良歟將

使披斯志者景彼前脩蹶然思奮聞茲
楷範默爾潛移如雷之動如風之行莫
不蒸、相感而化於善則是書也即以
為醒世之晨鐘牖民之箴規也可予故
嘆 李公之用意深遠竊心佩之而樂
觀德化之成也是為序

賜進士第奉政大夫同知汾州府事浙婺胡
邦盛題於張蘭官舍



新修汾陽縣志序

往者學閔承乏諫垣恭逢我

皇上神武奮揚削平西域天山兩道悉隸
販章仰見耆定

大勲度越三古幅員之廓為居方提地以
來所未嘗有用請

勅下儒臣纂錄輿圖以昭
一統之盛荷蒙

俞允遂徵天下府州縣志悉上史館以備
采擇嗣又允大臣之請凡新志悉送
學臣覆勘事無訛異乃得刊行著為
令於是天下曉然知

聖天子稽古右文考詢掌故凡守臣之賢
而文者率先蒐輯地記以待太史之
采求汾州郡守諸城孫公延文士新
輯府志既彬彬稱大脩矣嗣粵東李

公以名進士來宰汾陽邑之大政以
次修舉化洽人和案牘多暇乃集邑
之紳士謀鼎新

先聖之廟以興文教復以邦之文獻府志
舉其要縣志紀其詳各有體裁不可
偏廢爰徵古義訪軼事增損舊志不
濫不遺丹黃矻矻不數月而書成以
學閩縣人也郵以相示且問序夫學

序
閔何足序公書哉顧念府志之初成也司事者旁摭諸書遂稱汾州非古西河地子夏之迹不至斯汾人嘆之亦引舊籍以相難鴻自一而人楚越囂囂然今未已也學閔以為讀古人書當博通其宏自信者傳信疑者傳疑不必堅執一見以求勝公羊子去古未遠而高俛所城魯人已有所說

傳文亦無所軒輊班固西域列傳叙地理如指諸掌而我

朝戡定以來驗其說多虛妄

御製詩文昭昭在人耳目也夫一壠之田

甲與乙訟或數世而不得明兩邑之

界官吏挹案牘操繩尺驗山川徵碑

碣引里人父老雜然證之或數年不

得決况生百世以下陵谷變遷典籍

散佚而欲以耳為目斷百世以上之是非烏見其不爽乎傳曰所見異詞所聞異詞所傳聞異詞子曰吾猶及史之闕文蓋聖人之教可知也公修是志於西河之辨雖采新說而亦不廢舊文虛公之心詳慎之志並見於是矣其采詢之無所踈漏是非之無所顛倒舉可類知公誠良史才也豈

但一邑之志哉抑文章之道與政事通公能詳慎虛公而無所踈漏顛倒則以制萬事皆得其理雖佐

聖天子調燮天下可也又豈但一邑之宰

已哉學閔所以樂為公序也時

乾隆三十七年歲次壬辰端陽後一

日

賜進士出身奉政大夫光祿寺少卿前史

官邑人曹學閔撰



重脩邑志序

承乏汾陽三載矣簿書碌碌翰墨緣踈覺一行作吏面目盡風塵令人氣索憶先君子昔宰城武公餘輒手一卷樂不為疲語起曰仕學相資卜氏教也能以經術飾吏治則刀筆筐篋之譏免起敬佩斯言志焉未逮顧念蒞斯土則邑志實為前鑑時復披閱之由是

利弊之故因革之宜稍稍措施識端緒而勝
蹟芳徽風流未艾亦藉用留連嚮往獲益良
多惜此志自康熙辛丑前令周公錦川增脩
後五十餘年無踵事者微獨時移勢易規制
莫詳懿行嘉言舉將歸泯泯是不得不任其
責也會新安戴東原孝廉佐

孫郡尊輯府志成因延之共事甫脫稿亟以
公車去而海寧

俞公來代郡取稿潤色之戴固名士 俞公
又良史才是書殆無遺憾竊計志之大要惟
三土地人民政事而已條目雖繁各從厥類
考文徵獻紀其實而加詳凡以昭示來茲俾
知所法戒問道已經將於是乎在地有卜山
或謂此即古西河子夏設教處迴思 先君

子言張觸于中慚且悵者久之既付梓爰述
鄙懷并諸卷首

省

乾隆三十七年歲次壬辰嘉平上浣知汾陽
縣事李文起撰



汾州舊志序畧

冀南道彭公

純

郡有志猶國有史也第崇文者鮮實要稽乎者失雅馴
好古綴文之士每以爲恨余往閱武功志文簡事該心
竊慕之及分鎮西河暇覽郡乘繁畧互失乃造文谷孔
公而問焉曰郡有善志則邦多聞人汾志未修非缺典
乎公遂慨諾旁搜博採按舊擇新實則摭事而直書文
則刪繁以就簡地理志而圖籍可察矣建置志而興廢
可稽矣藩封志而茅胙有徵矣祠祀志而秩宗不廢矣
田賦志而惟正可供矣官師志而賢才可辨矣人物志

而尚友有資矣選舉志而賢能不蔽矣志取既精於決
擇發論不謬於是非較武功而藻飾過之矣雖謂汾史
可也

邑人王公 緯

余惟志之匪易修也傷繁則涉於支太簡則病於滲容
私則毀譽競於多岐徇情則名實淆於罔覈祇取誣焉
爾余乃躬歷四境咨訪搜羅西至禹門登萬戶山過向
陽坂踰金鎖關跨龍橋陟彪嶺俯瞰馬跑之泉轉北徑
卜山探石室遡隱泉東下涉萬谷河循汾水之涯迤邐
而南抵中陽界旋謁狄武襄祠過文潞公舊宅訪宋之
問故墟凡山河之形勝人物之遺跡建置之因革無不
手錄復稽覈典章叅考圖籍雨更寒暑稍稍完此數篇
心力亦既竭矣

邑人孔公

天啓

冀南五州汾志獨無郡守陳公三致意焉敦求鄉進士
龍岡王緯開館撰次數月書成存名物於故事寥絕之
餘創圖史於草藁莫屬之後其有功於郡豈不鉅哉余
廢著嘿塞杜門絕省問分守東谿彭公約州守龍喁張
公別駕少陂黃公下問焉曰古之閉戶者率著書今君
安得嘿然而已乎幸勉爲修志余於是取郡志修之定
爲八卷曰地里曰建置曰藩封曰祠祀曰田賦曰官廩
曰人物曰選舉合而觀之則一郡之事聊可槩而半因
於王君之所搜討益信其爲國史才不可沒也至於宏

備精覈尙有望於博雅君子焉嘉靖己未九月始庚申
正月鏡梓

高州刺史白公

夏

汾故志蓋文谷孔大夫所纂次云顧自己未以來迄今
三十載事以時異人以時殊苟非增論而錄次之則後
之人謬利病者將考鏡焉無由矣於是搜往鏡今揭綱
分目秉正協義考制折衷不憚校讐者三閱月而稿始
成是故閱地里則封疆分明考建制則民力普存於祠
宇見崇祀邪正之辨於田賦見戶田登耗之由官師具
而善敗以分人物紀而勸懲攸寓

邑人王公 緝

汾故無志自嘉靖甲寅歲先兄龍岡草創之殫精竭力
彙成四冊己未文谷孔公修飭之酌古準今釐爲二冊
鍍梓並傳既歷三紀矣頃郡守道南白公披閱之謂己
未迄今人物官師流芳者衆而建置有增田賦有議藝
文有遺凡可厚民生而扶世教者皆宜補之適大叅寅
齋陳公至雅重文獻銳意主裁屬余撰次余今分類紀
事惟準先兄而立義修詞多資文谷雖時異勢殊稍有
筆削而綱領條貫均無所更易稿完仍附兩志叙畧於
左

范公 聯芳

汾陽縣舊汾州也嘉靖甲寅前尚無志創於邵人王龍岡嗣是孔文谷王龍洲後先相繼龍岡以州守陳公志文谷以大叅彭公志龍洲以州守白公志猶皆州志也今常山尹大夫刪繁補缺序錯訂訛爲縣志書成命余校焉余非學兼五至美擅三長烏能贊一詞及受而卒業見八景有題三害有論趙公反覆於強宗蔡君遐想夫沮洳種種瞻而不穢詳而有體升降損益之機開卷在目矣

汾陽縣舊志序畧

邑人朱公之俊

今郡邑之志古列國之史也周官外史掌四方之志小史掌邦國之志古之志皆以史領之而志又通謂之史兩漢以降文士多而史才少志乘之修維維然難之此江淹鄭樵之所以嘆也汾陽自勝國禹歷已西迄茲乙未幾五十年竟無志五十年間豈絜無人或者茫無所稽而不能作不則偶有所忌而不敢作不則有所稽無所忌或固陋耄荒推諉而不肯作坐令改革之大事變之重湮滅無傳必有執其咎者矣適楚劉資生先生爲

郡佐家富藏書公庭間若殆隱於吏者賢令吳公心儀之拉諸紳士白郡伯王公敦請任厥事先生唯唯受簡經三時志成致余校閱志大綱有四倣夏之禹貢周之職方山川風物於是乎悉曰志土地倣周禮之鄉遂里鄴史記之平準桓寬之鹽鐵論征賦徭役於是乎著曰志人民倣周之官制左傳國語之甄明法麗典垂文經武緯於是乎詳曰志政事倣司馬子長之列傳諸史之經籍闡幽表異振藻揚葩於是乎兼曰志文獻而且紀以承綱紀十有一日以承紀目七十有六災詳仙釋雜著紀異附焉編摩井然叙次秩然考訛誤則正三豕之

文晰理辭則折白馬之辨品物之核以周也陽秋之精而裁也片語隻字無非威鳳一毛祥麟片甲洵良史才乎余因而嘆才人之難值而文詞之不可已也世但知人乞靈於地安知地乞靈於人又安知地與人乞靈於文維嶽降神生甫及申是謂地之靈人以地傳于木隱而西河美黃石生而穀城芳是謂人之靈地以人傳左思之賦三都張衡之賦兩京當時之黃圖景物珍奇詭異千萬世下宛然在目向使二賦不作大半銷沉矣是謂文之靈地與人以文傳幸也吾汾地與人之以先生之文傳也雖然先生道味飴甘宦情蠟嚼恬而鎮物之

涉陽縣志
躁靜而化時之爭約而挽俗之侈其取重於世更有在
於文之先者余所爲心折欣慕而願爲執鞭焉又不啻
以其文矣

邑人鄭公之璞

邑之有志取其記事云爾非僅以文也嘗政教之源流
定風俗之正變鑒乎古可以知今揆乎今可以式後是
必有宏雅篤論之儒抱靜理而具通識者表章靡遺斟酌
盡善勒成一代完書則文也而道存乎其間矣汾陽志
始於嘉靖之甲寅訖於萬歷之己酉四經繕著自後
泯乎闕焉夫此汾一方天地之美善未嘗暫息也父老
之見聞傳聞猶可耳目接也駸駸五十年間而一邑之
政教風俗畧焉不講賢人君子之因以湮沒無傳此識
者所羞而學士大夫之責也茲別駕劉公資生澹然寡

愆俾爾有章所謂抱靜理而具通識者歟允諸君子請
慨然以修纂爲任遐稽博採剪煩撮要自己西迄今莫
不備極蒐羅宏茲論列卽從前未逮者亦皆正其參差
而補其闕失焉綱紀具而條目張可以鑒古可以知今
可以式後書成示予叅校予思作志之難撫往難於覆
實採今難於正疑而詳畧去取之間繁則蕪儉則陋難
於彙裁之各當今先生斯志宏以博也約以精也美不
虛而微能闡也不特無其三難而兼有其四善矣是僅
可以一邑之志日乎哉宋人有言治教號令聖人之所
謂文也書之策引而被之天下之民一也先生學術醇
深規時度務灼然有見於中而筆之於書一邑可以知
天下焉可以信後世焉此其爲文深於道者也而斯志
亦藉不朽矣

汾州府通判劉公 文德

諸史家所論天下郡國揆藻增新秉式罔軼如土地如
人民如政事如文獻皆詳而有體要而彌括者豈必步
勤章亥訪勞輶人哉良緣郡邑各有成書麇集而蹠食
之易易耳故其志備則供快全搜其志不備則貽憾中
斷此又繫之學古入官不欲苟爲俗吏而亟慕乎文吏
者所有事矣雖然厥猶翼翼者因乎心敷衍優優者因
乎時讀典墳邱索之書者因乎所需纂著之才三者旣
具然後足以創始而垂成得乎心矣而非其時得其時
矣而非其所需其始其成固難言之汾陽令吳君含章

有譽理人行政有暇輒念汾舊有志今時歷四紀事更
代易聲跡有傳光影虞逝若復闕焉不講懼又如前者
云云也爰咨縉紳先生請之郡刺史咸委余以修葺吳
君可謂心與時競吏而文矣余樗散非材吏隱半刺顧
以署寂事簡之躬應駟今儷古之命宜蠹魚三食足規
星化丹矣第恐元精不貫全豹鮮窺於以發揮囊蘊抽
揚來軌取舍失裁燕陋交譏明來人非幽生鬼謫將操
刀學割慮手刃之兩傷也乃冰霜其懷寒暑其事擴上
下數十年心眼爲出入數十載討尋其緗帙牙籤丐之
太史朱滄翁家藏及邑先大夫王龍岡龍洲孔文谷邑
前令尹氏覺民諸志以別其爲西河爲汾州爲汾陽自
春秋迄明故實用備自明萬歷至 國朝順治乙未四
十五年以啟後志之詳所見所聞所傳聞均不敢遺分
卷四凡爲土地爲人民爲政事爲文獻卽列四綱紀十
有一目七十有六例增於舊文簡於前要不過以書傳
汾以汾書傳汾人翻得藉手文小子弁鄙耳若因其弁
鄙加之潤色則尙有待

重修汾陽縣舊志序畧

汾陽縣周公超

志以佐史也史必擅三長而後成則修志者亦非此不能勝其任余自己亥夏承乏茲土爰閱邑乘知創自王刺史而修於孔方伯繼經王侍郎之纂輯劉別駕之參稽宜乎備矣然不無遺議况此志不修者已六十餘年將恐芳軌異績湮沒無傳良爲可惜辛丑秋始得從事簡編又苦聞見不廣幸有趙滋大日昌博洽留心早成手錄則草創是資適家孟友琦于韓在署任其討論又特延華亭邢寶一秉誠爲之修飾焉余雖不敢當潤色

之功然亦時勤較閱必期考核精詳方得付梓是編也
四君子通纂於前三君子續參於後余又不揣弁鄙兢
兢詳慎焚膏繼晷以祈速竣雖未必如史才之兼備而
集衆人之長不大遠於逞一己之智者哉是爲序

邑人趙公

日昌

明嘉靖甲寅前吾汾尙無志也邑人王龍岡草創之其
後孔文谷王龍洲相繼纂述然皆州志耳改府後設附
郭邑名曰汾陽邑侯尹覺民重修之我朝順治十二
年劉別駕增補之亦幾備矣但剗剔不工魯魚亥豕之
訛所不免焉且迄今六十餘年山川形勝或無大異而
戶口丁徭地畝錢糧官師科甲名媛懿德皆當補載誠
齋沈公祖來守是邦嘗閱府志係萬歷己酉年作今近
百年遺漏不少因飭汾令而屬予纂修焉時余承命愧
未逮未幾沈公致政事遂寢茲上虞周父母以名進士

來宰是邑卽慨然有志邑乘之修而仍以屬余余雖不敢推諉但邑中過余者指不勝屈而乃惟弁鄙無文之昌是問乎而周父母則以爲余生於斯長於斯聚於斯者旣久則耳而目於斯者必悉斟酌剪裁舊志之成憲宜遵故老之傳聞可考縉紳之徽猷當訪卽闔巷歌謠亦可芟其穢蕪飾以雅馴以光大典又何人言之足慮余謝不獲乃博採而備錄之鍵戶數月始克告竣周父母覽之色喜以爲旣得大槩是卽成志之基也由是刪繁就簡補偏救弊潤色而成一邑之完書矣因慨然捐俸授梓人鐫刻余豈敢矜訂正之工哉是皆周父母得人詳慎考訂之所由致也云爾

人詳慎考訂之所由致也云爾

韓公 謨

己亥夏上虞周父母以名進士來宰吾汾下車之始卽有剔弊振衰之志善良者卵翼之豪強者芟鋤之公務之餘流覽邑乘慨然曰志修於我 朝定鼎之初去今六十年餘賦役豈無增損乎生齒豈無盛衰乎忠孝節義豈無可法可傳者乎科第中豈無雋品山林中豈無高士乎山川如故景物不殊而入往風微採擇何自爰集予等而謂之曰彰明往蹟以勵來茲守土者之任也各出所長以校訂可否亦此邦士大夫之責也諸君與予共成厥事可乎維時孝廉滋大趙公高尚不仕惟日

汾陽縣志
杜門著書先時 太守沈公祖曾以邑志相屬而事不
果今遺稿猶在周父母取而覽之喜曰草創有人而循
名核實吾其與衆共之爰敦請華亭名宿竇一邢公並
難兄友琦公相爲校正簿書之餘親爲參閱詳妥遂付
剞劂予承乏粵東自愧不能贊一詞乃遙聞是舉而樂
爲叙之

新脩汾陽縣志銜名

纂脩

汾陽縣知縣李六起 庚辰進士廣東歸善人

參閱

汾陽縣儒學教諭趙鄭 平陸人壬申舉人

汾陽縣儒學訓導王廷淑 平陽府人虞貢生

督理

署汾州府經歷典史虞山 江蘇金壇人軍機處方畧館議敘

監刊

冀村巡檢司巡檢蔣國榮 浙江會稽人

採訪

乙酉舉人程學曾

乙酉舉人馬錦襄

戊子舉人卞爾琬

庚寅舉人卞珩

貢生姜思熹

監生杜玫

廩生彭騰萬

增生李如瑞

校對

乙酉舉人程學曾

庚寅舉人卞珩

汾陽縣志目錄

例言

圖

表
以上首卷

沿革

疆域

村市戶口風俗附
以上卷之一

山川

渠堰津梁附

城池

關隘營汛堡寨附

官署

倉庫驛鋪道路附
以上卷之二

賦稅

學校

坊表附
以上卷之三

名宦

卷之四

職官

食封

流寓

以上卷之五

人物

孝義

以上卷之六

科目

封蔭附
卷之七

文苑

仕實

列女

以上卷之八

古蹟

塚墓附

壇廟

寺觀仙釋附
以上卷之九

事考

雜識

物產附
以上卷之十

藝文

卷之十一至十四

汾陽縣志首卷

例言

縣之名汾陽起自明萬歷中陞汾州爲府而州所治之境改置倚郭縣前此州省倚郭縣也起於洪武中其前爲西河縣起於唐上元初又其前爲隰城縣起於晉又其前爲太原郡之茲氏縣則沿於秦若夫作志所起創於明嘉靖三十三年甲寅知州陳秉忠州人王緯是爲汾州志越六年己未冀南道彭範州人孔天胤增成之越二十五年爲萬歷十一年癸未知州白夏州人王緝又踵其事越二十七年己酉知縣尹覺民因州志增續

是爲汾陽縣志而汾州府志亦以是年纂輯越四十八年爲國朝順治十三年丙申知縣吳世英汾州府通判劉文德踵修縣志越六十六年爲康熙六十年辛丑知縣周超又踵其事今所存者惟萬歷中府志暨劉志周志然大抵前後相襲於古今沿革未經詳辨有地之相去絕遠多所附會其載在史籍確有證實者又漏失不列因陋承譌宜從訂正加以辛丑迄今五十餘年之政事人民記錄有待爰整義例勒成一書蓋不敢怠忽視之云爾

西河汾州汾陽三名舊志未經細考西河本隨地著稱而縣之稱西河因北魏置西河郡治茲氏城以後郡名仍之遂以名縣說俱詳後若夫以汾陽名軍始於宋末以汾陽名縣始於明萬歷中外此所謂汾陽散見史籍者大率名同地異舊志以隋之汾陽宮唐之汾陽郡王皆爲縣境故實於沿革首云虞汾古西河汾繫之虞而西河稱古又必在虞前是縣境遂古之初以迄後代有西河汾州汾陽三名同地並稱也今悉訂正

志首沿革以星野附之何也沿革不明則志中述古未有能免於謬悠者故考沿革爲撰志首事今分列綱目以綱爲斷目爲按令閱者因綱檢目因目證綱其正史

及水經注元和志等書有涉譌舛逐條爲辨正之至星野之說起於周官保章氏以星土辨九州之地如左氏春秋國語所記列國分野甚詳鄭康成云星土星所主土也其書亡矣堪輿雖有郡國所入度非古數也自漢書以下史志往往及之大抵因春秋戰國時各國疆域輾轉附會皆康成氏所謂非古數者耳省志府志其地廣闊足配古州國宜博採古書之異同致辨若縣志則合數十縣同地共占無庸衍贅其說志家圖繪星象錄步天歌尤屬習仍之陋今於沿革後附見梗概正其附會之非者俾歸於是而已故不特列一目

疆域次沿革後以村市戶口風俗附之何也積古以來旣本本原確然無惑則考今之土地人民切要不可或緩矣詳其距省遠近南北東西廣袤而村市用知民居戶口用知民數風俗用知民情皆土地人民之首務二者不特列目蓋疆域足以統之所稱疆域實之者民也

山川次疆域後以渠堰附之何也疆域辨而後山川之在疆域中者可得而紀山自合而分其來也有脈絡條貫是謂地防川自分而合界乎兩山之間循其地防者也考工記有之曰凡溝逆地防謂之不行水屬不理孫

古字屬注通用孫邊通用

謂之不行是故由山川大勢以知地防而

因其利則農政攸關除其患則衝溢淹漬在所預籌故兼及澤泊渠堰民間引漑期日備詳各水之下至於設濟渡建橋梁亦附載焉凡所以切民用明政事也

城池次山川後以關隘營汛附之何也山川者天地自然之形勢也城池關隘因其形勢而設之以衛民也營汛亦衛民所重故因而以類相屬堡寨因營汛及之凡不別立目用免煩碎咸倣此

官署次城池後以驛鋪附之何也城池者一境之所會歸而設官治民則官署乃其治所也出政令肅觀瞻於

是乎在倉庫因官署連及之預備常平本以便民而收放之際稍不致察則胥役豪右借以滋弊不可忽視也驛鋪爲官事往來之所由通道路因驛鋪連及之

賦稅次官署後何也政之大體民之利病所繫胥役豪右其滋弊不可窮詰也知民之所苦及早濼之不常以達其情尤親民之吏宜務圖者矣鹽稅歸於地丁攤徵故卽列之賦稅後

學校次賦稅後何也富教之序也坊表以事類相從故附之自疆域至學校施政之大經備矣撰志所重故次之於前

名宦職官志其官斯土者也凡有惠政可稽列在名宦中者爲一傳而職官題名僅書姓名時代而已或當時膏澤實被於民久之而莫能舉以爲言則無從列入名宦徒因散見史籍姓氏時代猶存備錄而存之不使沒沒也縣志例載知縣以下而汾陽舊爲汾州自隋以前縣統於郡郡統於州隋唐州郡迭更宋則州帶郡稱所謂州郡皆監縣者也明之汾州裁倚郭縣州始與縣同爲親民吏故知州題名載自明初以前曰州刺史曰郡太守與萬歷中設府後曰知府並爲上官凡府志宜詳者非縣志所得賅至於名宦如州郡如府如汾陽軍節度使分守冀南道縣旣爲治所矣則譯流自邇始宜考其事列之况以忠烈見者爲國爲民大節卽著是地不可不錄也食封流寓亦稽古所不得而畧故次之職官後

人物孝義科目文苑仕實列女六者表其人正以彰風教也人物必卓然可傳者孝義卽一節亦取善善從長凡舊志所有悉仍之或已入別目則不重列審非土著然後削去新有增補固核實無敢濫也科目文苑仕實俱志體所宜備列女非專屬節烈而賢婦僅偶及一二者庸德之行其事本無所表襮加以閨門之內雖美弗

彰也。封廕因科目連及之，故附見其後。



古蹟壇廟事考雜識存以備稽，而藝文終焉。塚墓附古蹟後，例得載之者也。地志有寺觀仙釋物產之目，今附寺觀於壇廟下，而仙釋卽於寺觀中見之，明非正也。物產附雜識之首，以他處常產之物是，地土瘠氣寒，皆無之，其有者不足表異，故不泛列。雖唐志汾州土貢龍鬚、蓆之類，時汾州領縣四，今自縣境而外亦無有其物，聊摭之以見貨物之有無。今昔不可常云爾。凡志書錄藝文，必有關於是地，非選文比也。文與詩於地無關，則例不當錄。其題咏之可錄，如所謂八景者，間亦摘取一二。卽古蹟非實，無嫌也。他若碑記考序等，雖人各一說，並存之，其得失自見也。

山川圖爲地志大節目，作圖無法，則失其實。檢圖考地，適足滋惑。今先布方格，然後按其山之方嚮、遠邇、水之委曲、流注，不使圖與形勢或爽。因附縣治、學宮二圖，次之以沿革表，作表斷自秦以下，郡縣之始也。



汾陽縣山川圖 每方十五里





縣城圖



縣治圖



學宮圖





卜山書院





汾水行宮





烟籠賢閣



鶴鳴古洞







馬跑神泉



雨漬仙碑



文湖漁唱



彪頗樵歌

